

Cagamas perkenal program kongsi ekuiti perumahan

Kuala Lumpur: Cagamas Bhd bercadang untuk memperkenalkan program perkongsian ekuiti perumahan atau pinjaman ekuiti bagi membolehkan lebih ramai rakyat negara ini terutama golongan B40 memiliki rumah.

Presiden/Ketua Pegawai Eksekutifnya Datuk Chung Chee Leong berkata, perbadanan gadai janji nasional itu ketika ini sedang meneliti kaedah yang sesuai untuk memperkenalkan program seumpamanya yang sudah dilaksanakan di Australia.

Beliau berkata, pihaknya akan mengumpul maklumat dan membangunkan kaedah yang sesuai dan menepati senario perumahan di negara ini.

“Kami berharap dapat menyiapkan pelan tindakan itu tahun ini,” katanya ketika ditemui di Persidangan



Membina dan Pembiayaan Rumah Mampu Milik Merentas Asia anjuran Cagamas dan Bank Dunia, di sini.

Pada persidangan itu, Cagamas juga memeterai perjanjian persefahaman (MoU) dengan Korea Housing Finance Corporation (KHFC) bagi meninjau kaedah pembiayaan perumahan untuk menggalakkan pemilikan rumah di kedua-dua negara.

Dengan MoU itu, ke-



Pihak kami akan mengumpul maklumat dan membangunkan kaedah yang sesuai dan menepati senario perumahan di negara ini”

Chung Chee Leong

dua-dua pihak boleh bertukar pengalaman domestik masing-masing dalam pembiayaan perumahan, gadai janji dan instrumen kewangan.

Kerjasama strategik itu dijangka meningkatkan kestabilan pasaran perumahan dan gadai janji, gadai janji disokong sekuriti (MBS) dan instrumen untuk memanfaatkan modal swasta kepada pasaran perumahan.